

মন্ত্রিপরিষদ বিভাগের জানুয়ারি ২০২৪ মাসের কার্যাবলি সম্পর্কিত প্রতিবেদন

মন্ত্রণালয়/বিভাগের নাম: মন্ত্রিপরিষদ বিভাগ

প্রতিবেদনাদীন মাসের নাম: জানুয়ারি ২০২৪

প্রতিবেদন প্রস্তুতের তারিখ: ১৯ ফেব্রুয়ারি ২০২৪

(১) প্রশাসনিক:

ক. ১ কর্মকর্তা/কর্মচারীদের সংখ্যা (রাজস্ব বাজেটে)

সংস্থার স্তর	অনুমোদিত পদ	পূরণকৃত পদ	শূন্যপদ
মন্ত্রণালয়/বিভাগ: মন্ত্রিপরিষদ বিভাগ	৪১৭	৩০৭	১১০
অধিদপ্তর/সংস্থা/সংযুক্ত অফিস: দুর্নীতি দমন কমিশন	২,০৯৮	১,২১৮	৮৮০
মোট	২,৫১৫	১,৫২৫	৯৯০

ক. ২ শূন্যপদের বিন্যাস

মন্ত্রণালয়/বিভাগ/সংস্থা	অতিরিক্ত সচিব/তদুর্ধ্ব পদ	জেলা কর্মকর্তার পদ (যেমন ডিসি, এসপি)	অন্যান্য ১ম শ্রেণির পদ	২য় শ্রেণির পদ	৩য় শ্রেণির পদ	৪র্থ শ্রেণির পদ	মোট
মন্ত্রিপরিষদ বিভাগ	৩	-	২৮	২২	৩৪	২৩	১১০
দুর্নীতি দমন কমিশন	-	-	২৫১	২৩৩	২৪৬	১৫০	৮৮০*
মোট	৩	-	২৭৯	২৫৫	২৮০	১৭৩	৯৯০

* সুপারনিউমারারি পদ ব্যতীত।

ক. ৩ অতীব গুরুত্বপূর্ণ (strategic) পদ শূন্য থাকলে তার তালিকা: প্রযোজ্য নয়।

ক. ৪ নিয়োগ/পদোন্নতি প্রদান

মন্ত্রণালয়/বিভাগ/ সংস্থা	জানুয়ারি মাসে পদোন্নতি			নতুন নিয়োগ প্রদান			মন্তব্য
	কর্মকর্তা	কর্মচারী	মোট	কর্মকর্তা	কর্মচারী	মোট	
মন্ত্রিপরিষদ বিভাগ	১	-	১	-	-	-	-
দুর্নীতি দমন কমিশন	-	-	-	-	-	-	-

ক.৫ শূন্যপদ পূরণে বড় রকমের কোন সমস্যা থাকলে তার বর্ণনা: নেই।

খ. ১ ভ্রমণ/পরিদর্শন (দেশে-বিদেশে)

মন্ত্রিপরিষদ বিভাগ	মন্ত্রী		প্রতিমন্ত্রী/উপ-মন্ত্রী		মন্ত্রিপরিষদ সচিব		মন্তব্য
	দেশে	বিদেশে	দেশে	বিদেশে	দেশে	বিদেশে	
ভ্রমণ/পরিদর্শন	-	-	-	-	৫	-	১। মন্ত্রিপরিষদ সচিব ১২ জানুয়ারি ২০২৪ তারিখে মাননীয় প্রধানমন্ত্রী ও নবনিযুক্ত মন্ত্রিসভার সদস্যবৃন্দসহ ধানমন্ডি ৩২ নম্বর এবং সাভার জাতীয় স্মৃতিসৌধে শ্রদ্ধাঞ্জলি অর্পণ; ১৩ জানুয়ারি ২০২৪ তারিখে গোপালগঞ্জ জেলার টুঙ্গিপাড়ায় জাতির পিতা বঙ্গবন্ধু শেখ মুজিবুর রহমানের সমাধিতে শ্রদ্ধাঞ্জলি অর্পণ এবং ২৫-২৬ জানুয়ারি ২০২৪ মেয়াদে চট্টগ্রাম ও বান্দরবান জেলা সফর করেন।
উন্নয়ন প্রকল্প পরিদর্শন	-	-	-	-	-	-	
পার্বত্য চট্টগ্রামে ভ্রমণ	-	-	-	-	-	-	

দুর্নীতি দমন কমিশন	মন্ত্রী		প্রতিমন্ত্রী/উপ-মন্ত্রী		সচিব		মন্তব্য
	দেশে	বিদেশে	দেশে	বিদেশে	দেশে	বিদেশে	
ভ্রমণ/পরিদর্শন	-	-	-	-			

খ.২ উপরোক্ত ভ্রমণের পর ভ্রমণ বৃত্তান্ত/পরিদর্শন প্রতিবেদন দাখিলের সংখ্যা:

(২) আইন-শৃঙ্খলা বিষয়ক: প্রযোজ্য নয়।

(৩) অর্থনৈতিক : প্রযোজ্য নয়।

(৪) উন্নয়ন প্রকল্প সংক্রান্ত:

ক. উন্নয়ন প্রকল্পের অর্থ বরাদ্দ ও ব্যয় সংক্রান্ত তথ্যসমূহ:

প্রকল্পের নাম	বর্তমান অর্থবছরে এডিগিতে বরাদ্দ (লক্ষ টাকায়)	প্রতিবেদনাধীন মাস পর্যন্ত ব্যয়ের পরিমাণ (লক্ষ টাকায়) ও বরাদ্দের বিপরীতে ব্যয়ের শতকরা হার	মন্তব্য
1. Support to the Central Management Committee's (CMC) Policy Guidance on Child Component of the NSSS	১৫১	৪২.৫৯ (২৮.২১ শতাংশ)	-
2. Social Security Policy Support Programme (1 st revised)	২০	-	-
মোট=০২টি	১৭১	৪২.৫৯ (২৪.৯১ শতাংশ)	

খ. প্রকল্পের অবস্থা বিষয়ক তথ্য:

প্রতিবেদনাধীন মাসে সমাপ্ত প্রকল্পের তালিকা	প্রতিবেদনাধীন মাসে উদ্বোধনকৃত সমাপ্ত প্রকল্পের তালিকা	প্রতিবেদনাধীন মাসে চলমান প্রকল্পের কম্পোনেন্ট হিসাবে সমাপ্ত গুরুত্বপূর্ণ অবকাঠামো	দু'মাসের মধ্যে উদ্বোধন করা হবে এমন সমাপ্ত প্রকল্পের তালিকা
-	-	-	-

গ. প্রতিবেদনাধীন মাসে নতুন প্রকল্প অনুমোদিত হয়ে থাকলে তার তালিকা:

(৫) উৎপাদন বিষয়ক : প্রযোজ্য নয়।

(৬) প্রধান প্রধান সেক্টর কর্পোরেশনসমূহের লাভ/লোকসান: প্রযোজ্য নয়।

(৭) অডিট আপত্তি:


ক. অডিট আপত্তি সংক্রান্ত তথ্য

মন্ত্রণালয়/সংস্থা	অডিট আপত্তির সংখ্যা	টাকার পরিমাণ (লক্ষ টাকায়)	ব্রডশিটে জবাবের সংখ্যা	নিষ্পত্তির সংখ্যা	জের	মন্তব্য
মন্ত্রিপরিষদ বিভাগ	২৭টি	৫.০৩	-	১	২৬টি	মন্ত্রিপরিষদ বিভাগে বর্তমানে মোট ২৬টি অডিট আপত্তি অনিষ্পন্ন রয়েছে। এর মধ্যে মন্ত্রিপরিষদ বিভাগের ১২টি এবং বিলুপ্ত বিভাগ উন্নয়ন বোর্ডের ১৪টি অডিট আপত্তি রয়েছে। অনিষ্পন্ন অডিট আপত্তিসমূহ নিষ্পত্তির কার্যক্রম চলমান রয়েছে।
দুর্নীতি দমন কমিশন	৩৮টি	১৯৩.৬৩	-	২২	১৬টি	-
মোট	৬৫টি	১৯৮.৬৬	-	২৩টি	৪২টি	100

খ. অডিট রিপোর্টে গুরুতর/বড় রকমের কোন জালিয়াতি/অর্থ আত্মসাৎ, অনিয়ম ধরা পড়ে থাকলে তার তালিকা:

(৮) শৃঙ্খলা/বিভাগীয় মামলা (মন্ত্রণালয়/বিভাগ ও অধিদপ্তর/সংস্থার সম্মিলিত সংখ্যা)

মন্ত্রণালয়/অধিদপ্তর/সংস্থাসমূহ	পুঞ্জীভূত মোট বিভাগীয় মামলা (জানুয়ারি মাসের ১ তারিখে)	জানুয়ারি মাসে শুরু হওয়া মামলার সংখ্যা	জানুয়ারি মাসে মামলা নিষ্পত্তির সংখ্যা			অনিষ্পন্ন বিভাগীয় মামলার সংখ্যা	
			চাকরিচ্যুতি/বরখাস্ত	অন্যান্য দণ্ড	অব্যাহতি	1st Qtr	2nd Qtr
মন্ত্রিপরিষদ বিভাগ	১	-	-	-	-	১	-
দুর্নীতি দমন কমিশন	২১	-	-	-	-	২১	৭
মোট	২২	-	-	-	-	২২	৭



(৯) মানবসম্পদ উন্নয়ন

ক. প্রতিবেদনাধীন মাসে সমাপ্ত প্রশিক্ষণ কর্মসূচি:

মন্ত্রণালয়/সংস্থা	ক্রম	প্রশিক্ষণ কর্মসূচি	প্রশিক্ষণের মেয়াদ	উদ্যোগী সংস্থা/ এজেন্সি	অংশগ্রহণকারীর সংখ্যা
মন্ত্রিপরিষদ বিভাগ	-	-	-	-	-
দুর্নীতি দমন কমিশন	১।	অনুসন্ধান ও তদন্ত বিষয়ক প্রশিক্ষণ	২১-২৫ জানুয়ারি ২০২৪ মেয়াদে	দুর্নীতি দমন কমিশন	৩০ জন

খ. মন্ত্রণালয়/অধিদপ্তরে কোন ইন্-হাউস প্রশিক্ষণের আয়োজন করা হয়ে থাকলে তার বর্ণনা:

মন্ত্রিপরিষদ বিভাগে কর্মরত কর্মকর্তা/কর্মচারীদের ২০২৩-২৪ অর্থবছরের অভ্যন্তরীণ প্রশিক্ষণ (বাৎসরিক ৬০ ঘণ্টা) চলমান রয়েছে এবং ১০-২০ গ্রেডভুক্ত কর্মকর্তা/কর্মচারীদের জন্য ২০২৩-২৪ অর্থবছরের সঞ্জীবনী প্রশিক্ষণ আয়োজন করা হয়েছে।

গ. প্রশিক্ষণ কর্মসূচিতে কর্মকর্তা/কর্মচারীদের অংশগ্রহণ বা মনোনয়নের ক্ষেত্রে বড় রকমের কোন সমস্যা থাকলে তার বর্ণনা: নেই।

ঘ. মন্ত্রণালয়ে অন-দ্যা-জব ট্রেনিং (OJT)-এর ব্যবস্থা আছে কি না; না থাকলে অন-দ্যা-জব ট্রেনিং আয়োজন করতে বড় রকমের কোন অসুবিধা আছে কি না: ব্যবস্থা আছে, কর্মসূচি চলমান রয়েছে।

ঙ. প্রতিবেদনাধীন মাসে প্রশিক্ষণের জন্য বিদেশ গমনকারী কর্মকর্তার সংখ্যা: নেই।

(১০) উল্লেখযোগ্য কার্যাবলি/সমস্যা-সংকট: নেই।

ক. প্রতিবেদনাধীন মাসে নতুন আইন, বিধি ও নীতি প্রণীত হয়ে থাকলে তার তালিকা: নেই।

খ. প্রতিবেদনাধীন মাসে অতীব গুরুত্বপূর্ণ/উল্লেখযোগ্য কার্যাবলি:

(১) প্রতিবেদনাধীন মাসে মন্ত্রিসভা-বৈঠক দুইটি; জাতীয় পুরস্কার সংক্রান্ত মন্ত্রিসভা কমিটির একটি; সরকারি ক্রয় সংক্রান্ত মন্ত্রিসভা কমিটির দুইটি এবং অর্থনৈতিক বিষয় সংক্রান্ত মন্ত্রিসভা কমিটির একটি এবং প্রশাসনিক উন্নয়ন সংক্রান্ত সচিব কমিটির একটি সভা অনুষ্ঠিত হয়। মন্ত্রিসভা-বৈঠকে ১২টি সিদ্ধান্ত গৃহীত হয়, এর মধ্যে ৪টি সিদ্ধান্ত বাস্তবায়িত হয়েছে। প্রতিবেদনাধীন মাসে ৬টি আন্তঃমন্ত্রণালয় পর্যালোচনা সভা অনুষ্ঠিত হয়েছে।

(২) জানুয়ারি ২০২৪ মাসে জাতীয় অর্থনৈতিক পরিষদের নির্বাহী কমিটি (একনেক); সরকারি ক্রয় সংক্রান্ত মন্ত্রিসভা কমিটি; অর্থনৈতিক বিষয় সংক্রান্ত মন্ত্রিসভা কমিটি; জাতীয় পুরস্কার সংক্রান্ত মন্ত্রিসভা কমিটি; আইন-শৃঙ্খলা সংক্রান্ত মন্ত্রিসভা কমিটি; জাতীয় অর্থনৈতিক পরিষদ (এনইসি); বাংলাদেশ পরিকল্পনা কমিশন; ডেল্টা গভর্ন্যান্স কাউন্সিল গঠন এবং নিরাপত্তা সংক্রান্ত জাতীয় কমিটিসমূহ গঠনপূর্বক প্রজ্ঞাপন জারি করা হয়েছে।

(৩) প্রতিবেদনাধীন মাসে সর্বমোট ১৪টি অভিযোগ পাওয়া গেছে। উক্ত অভিযোগসমূহের বিষয়ে তদন্তপূর্বক প্রতিবেদন প্রেরণের জন্য সংশ্লিষ্ট জেলা প্রশাসক ও বিভাগীয় কমিশনার বরাবর পত্র প্রেরণ করা হয়েছে। এ সময়ে মোট ০৬টি অভিযোগ নিষ্পত্তি করা হয়েছে। প্রাপ্ত অভিযোগসমূহের মধ্যে ৬টি অভিযোগ প্রমাণিত না হওয়ায় নথিভিত্তিক নিষ্পত্তি করে পরবর্তী প্রয়োজনীয় ব্যবস্থা গ্রহণের জন্য জনপ্রশাসন মন্ত্রণালয়কে অবহিত করা হয়েছে।

(৪) বিভাগীয় কমিশনার ও মেট্রোপলিটন পুলিশ কমিশনারগণের নিকট থেকে প্রাপ্ত ডিসেম্বর দ্বিতীয় ও জানুয়ারি প্রথম পক্ষের পাক্ষিক গোপনীয় প্রতিবেদনের ভিত্তিতে প্রস্তুতকৃত দু'টি সারসংক্ষেপ মাননীয় প্রধানমন্ত্রী সমীপে উপস্থাপন করা হয়েছে।

(৫) বিভিন্ন মামলায় ১০ জন সরকারি কর্মকর্তা/কর্মচারীর বিরুদ্ধে চার্জশিট দাখিল, ২ জনের বিরুদ্ধে এজহার দাখিল এবং ৪০ জন সরকারি কর্মকর্তা/কর্মচারীর বিরুদ্ধে আনীত অভিযোগ অনুসন্ধানে প্রমাণিত না হওয়ায় পরিসমাপ্ত করা হয়েছে মর্মে বর্ণিত বিষয়ে প্রয়োজনীয় ব্যবস্থা গ্রহণের জন্য দুর্নীতি দমন কমিশন কর্তৃক মন্ত্রিপরিষদ বিভাগকে অনুরোধ করা হয়। এর পরিপ্রেক্ষিতে মন্ত্রিপরিষদ বিভাগ হতে জানুয়ারি ২০২৪ মাসে উল্লিখিত বিষয়ে প্রয়োজনীয় ব্যবস্থা গ্রহণের জন্য সংশ্লিষ্ট মন্ত্রণালয়/বিভাগকে অনুরোধ করা হয়েছে।

(৬) সচিব (সমন্বয় ও সংস্কার), মন্ত্রিপরিষদ বিভাগের সভাপতিত্বে ২৩ জানুয়ারি ২০২৪ তারিখে বাংলাদেশে বৈদ্যুতিক মোটরযান শিল্প উন্নয়নে গঠিত কমিটির সভা অনুষ্ঠিত হয়েছে।

(৭) বঙ্গাবন্ধু জনপ্রশাসন পদক ব্যবস্থাপনা সংক্রান্ত অবহিতকরণ সভায় অংশগ্রহণের জন্য সিনিয়র সচিব, জনপ্রশাসন মন্ত্রণালয়কে পত্র প্রেরণ করা হয়েছে।

(৮) দ্বাদশ জাতীয় সংসদ নির্বাচনের তফসিল জারি হওয়ার পর থেকে ফলাফল ঘোষণার ১৫ দিন পর্যন্ত নির্বাচন কমিশনের অনুমতি ব্যতীত নির্বাচনি দায়িত্বে নিয়োজিত কোনো কর্মকর্তা-কর্মচারীকে অন্যত্র বদলি না করার জন্য মন্ত্রণালয়, বিভাগ ও মাঠ প্রশাসনকে গত ২৩ নভেম্বর ২০২৩ তারিখে মন্ত্রিপরিষদ বিভাগ কর্তৃক নির্দেশনা দেয়া হয়।

(৯) রিটার্নিং অফিসার হিসেবে দায়িত্বপালনকারী বিভাগীয় কমিশনারসহ অন্যান্য বিভাগীয় কমিশনার, রিটার্নিং অফিসার হিসেবে দায়িত্ব পালনকারী সকল জেলা প্রশাসক এবং সহকারী রিটার্নিং অফিসার হিসেবে দায়িত্ব পালনকারী

সকল উপজেলা নির্বাহী অফিসার নির্বাচন কমিশনের নির্দেশনা অনুযায়ী নির্বাচনি দায়িত্ব পালনে মন্ত্রিপরিষদ বিভাগ থেকে নির্দেশনা দেয়া হয়।

(১০) রিটার্নিং অফিসারসহ মাঠ প্রশাসনের কর্মকর্তাগণ ঘোষিত তফসিল অনুযায়ী, মনোনয়নপত্র দাখিল, মনোনয়নপত্র যাচাই বাছাই, প্রার্থীতা বাতিলের বিরুদ্ধে আপিল দায়ের ও নিষ্পত্তি, প্রার্থীতা প্রত্যাহার এবং প্রতীক বরাদ্দ সংক্রান্ত কাজ দক্ষতার সঙ্গে যাতে সম্পন্ন করেন এবং নির্বাচন সংক্রান্ত আচরণবিধি প্রতিপালনে সক্রিয় থাকেন এ বিষয়ে সার্বক্ষণিক নির্দেশনা দেয়া হয়।

(১১) নির্বাচন উপলক্ষ্যে আচরণ বিধি প্রতিপালন নিশ্চিতকরণের পাশাপাশি সারাদেশের নির্বাচনি এলাকাসমূহের সার্বিক আইন-শৃঙ্খলা রক্ষা, অপরাধ প্রতিরোধ এবং মোবাইল কোর্ট ও স্ট্রাইকিং ফোর্স বিশেষ করে পুলিশ, আনসার, বিজিবি, কোস্টগার্ড ও সশস্ত্র বাহিনীর টিমকে দিকনির্দেশনা প্রদানের লক্ষ্যে বাংলাদেশ সিভিল সার্ভিস (প্রশাসন) ক্যাডারের প্রয়োজনীয় সংখ্যক কর্মকর্তাকে The Code of Criminal Procedure (Amendment) Act, 2009 এর ১০(৫) উপধারা অনুযায়ী এক্সিকিউটিভ ম্যাজিস্ট্রেটের ক্ষমতা অর্পণ করা হয়।

(১২) নির্বাচন কমিশন কর্তৃক জারীকৃত রিটার্নিং অফিসার এবং সহকারী রিটার্নিং অফিসারগণের নির্বাচন সংক্রান্ত কাজের সমন্বয় সাধন এবং নির্বাচন কমিশন কর্তৃক নির্বাহী কর্তৃপক্ষের উপর অর্পিত দায়িত্ব মন্ত্রিপরিষদ বিভাগ এবং মাঠ প্রশাসনের কর্মকর্তাগণ যথাযথভাবে প্রতিপালনের মাধ্যমে অবাধ, নিরপেক্ষ ও সুষ্ঠুভাবে দ্বাদশ জাতীয় সংসদ নির্বাচন অনুষ্ঠিত হয়। উল্লিখিত বিষয়ে মন্ত্রিপরিষদ বিভাগ সার্বিক সহায়তা প্রদান করে।

(১৩) বিভিন্ন মন্ত্রণালয়/বিভাগের উদ্যোগে প্রণীত আইনসমূহ যাচাই-বাছাই করে মোবাইল কোর্ট আইন, ২০০৯-এর তফসিলভুক্ত হওয়ার উপযুক্ত আইন থাকলে তা তফসিলভুক্ত করার প্রয়োজনীয় ব্যবস্থা গ্রহণের জন্য সকল সিনিয়র সচিব/সচিব বরাবর পত্র প্রেরণ করা হয়েছে।

(১৪) জেলাপ্রশাসক সম্মেলন, ২০২৪-এর পূর্ব প্রস্তুতি গ্রহণের জন্য সকল মন্ত্রণালয় ও বিভাগের সিনিয়র সচিব/সচিব, বিভাগীয় কমিশনার, জেলা প্রশাসক বরাবর পত্র প্রেরণ করা হয়েছে।

(১৫) সকল মন্ত্রণালয়/বিভাগ ও মাঠ প্রশাসনের কার্যালয়সমূহে সেবা প্রদান প্রতিশ্রুতি (সিটিজেন্স চার্টার) বাস্তবায়ন সংক্রান্ত প্রয়োজনীয় নির্দেশনা প্রদান করা হয়েছে।

(১৬) মন্ত্রণালয়/বিভাগসমূহের আওতাধীন অফিসসমূহের এপিএ ব্যবস্থাপনা উন্নয়নের লক্ষ্যে মন্ত্রণালয়/বিভাগসমূহের সঙ্গে যোগাযোগ করা হয়েছে।

(১৭) মন্ত্রণালয়/বিভাগসমূহের ২০২৩-২৪ অর্থবছরের খসড়া বার্ষিক কর্মসম্পাদন চুক্তি (এপিএ) পর্যালোচনান্তে মন্ত্রণালয়/বিভাগসমূহে প্রাথমিক পর্যবেক্ষণ প্রেরণ করা হয়েছে।

(১৮) Next Generation APA: বার্ষিক কর্মসম্পাদন চুক্তির প্রস্তাবসমূহের মানোন্নয়নের লক্ষ্যে প্রাপ্ত সংকলন প্রস্তুত করা হয়েছে।

(১৯) ২৩ জানুয়ারি ২০২৪ তারিখে জাতীয় শুদ্ধাচার উপদেষ্টা পরিষদ পুনর্গঠনে সদস্য মনোনয়নের লক্ষ্যে সিনিয়র সচিব, জাতীয় সংসদ সচিবালয়; সচিব, তথ্য ও সম্প্রচার মন্ত্রণালয়; সচিব, মাধ্যমিক ও উচ্চশিক্ষা বিভাগ এবং মহাপরিচালক এনজিও বিষয়ক ব্যুরো বরাবর পত্র প্রেরণ করা হয়েছে।

(২০) আইনের খসড়া পরীক্ষা-নিরীক্ষাপূর্বক মতামত প্রদান সংক্রান্ত কমিটি কর্তৃক বাণিজ্য মন্ত্রণালয় হতে প্রস্তাবিত ‘আমদানি ও রপ্তানি আইন, ২০২৪’-এর খসড়ার উৎকর্ষ সাধন করে মন্ত্রিসভায় উপস্থাপনের জন্য ২২ জানুয়ারি ২০২৪ তারিখে সুপারিশ করা হয়।

(২১) বিভিন্ন মন্ত্রণালয়/বিভাগ থেকে প্রাপ্ত আইনের খসড়াসমূহের ভাষাগত উৎকর্ষ সাধন, বিষয়গত যথার্থতা এবং সংশ্লিষ্ট অপরাপর আইনের সঙ্গে সামঞ্জস্য ও সংগতি বিধানের লক্ষ্যে অতিরিক্ত সচিব (আইন)-এর সভাপতিত্বে আন্তঃমন্ত্রণালয় কমিটির ০৫ (পাঁচ)টি সভা অনুষ্ঠিত হয়েছে।

(২২) ২৩ জানুয়ারি ২০২৪ তারিখে ১৩টি মন্ত্রণালয়/বিভাগ, ০২টি বিভাগীয় কমিশনারের কার্যালয় এবং ০২টি জেলা প্রশাসকের কার্যালয় হতে মোট ৩০ জন লিগ্যাল অ্যাফেয়ার্স ফোকাল পয়েন্ট কর্মকর্তার সমন্বয়ে স্মার্ট কেস ম্যানেজমেন্ট সিস্টেম সংক্রান্ত কর্মশালা অনুষ্ঠিত হয়েছে।

(২৩) মৎস্যসম্পদ ধ্বংসকারী সকল প্রকার অবৈধ জাল নির্মূলকরণ সংক্রান্ত ‘বিশেষ কন্সিং অপারেশন, ২০২৪’ বাস্তবায়নে সংশ্লিষ্ট জেলা প্রশাসক বরাবর পত্র প্রেরণ করা হয়েছে।

(২৪) শহিদ দিবস ও আন্তর্জাতিক মাতৃভাষা দিবস ২০২৪ উদযাপন উপলক্ষ্যে অনুষ্ঠিত আন্তঃমন্ত্রণালয় সভার সিদ্ধান্ত বাস্তবায়নে সকল বিভাগীয় কমিশনার, জেলা প্রশাসক এবং উপজেলা নির্বাহী অফিসার বরাবর পত্র প্রেরণ করা হয়েছে।

(২৫) ২০২৩-২৪ শিক্ষাবর্ষে এমবিবিএস/বিডিএস ভর্তি পরীক্ষা সুষ্ঠুভাবে গ্রহণের লক্ষ্যে মেডিকেল ভর্তি কোচিং সেন্টার বন্ধকরণে সকল বিভাগীয় কমিশনার এবং জেলা প্রশাসক বরাবর পত্র প্রেরণ করা হয়েছে।

(২৬) আসন্ন সেচ মৌসুমে নিরবচ্ছিন্ন বিদ্যুৎ সরবরাহ নিশ্চিতকরণে সকল জেলা প্রশাসক বরাবর পত্র প্রেরণ করা হয়েছে।

(২৭) গ্রাম আদালতে অনিষ্পন্ন মামলাসমূহ দ্রুত নিষ্পত্তির প্রয়োজনীয় ব্যবস্থা গ্রহণের জন্য জেলা প্রশাসক, চট্টগ্রাম, ঢাকা, মুন্সিগঞ্জ, জামালপুর, হবিগঞ্জ ও ঝালকাঠি বরাবর পত্র প্রেরণ করা হয়েছে।

(২৮) ০৪ জানুয়ারি ২০২৪ তারিখে সিআরভিএস ডেটাবেজসমূহের মধ্যে আন্তঃক্রিয়াশীলতা জোরদারকরণ সংক্রান্ত কারিগরি কমিটির সভা অনুষ্ঠিত হয়েছে।

(২৯) ১২ জানুয়ারি ২০২৪ তারিখে মাননীয় প্রধানমন্ত্রী ও নবনিযুক্ত মন্ত্রিসভার সদস্যবৃন্দ ধানমন্ডি ৩২ নম্বরে জাতির পিতার প্রতিকৃতিতে এবং সাভার জাতীয় স্মৃতিসৌধে শ্রদ্ধাঞ্জলি অর্পণ করেন।

(৩০) ১৩ জানুয়ারি ২০২৪ তারিখে মাননীয় প্রধানমন্ত্রী ও নবনিযুক্ত মন্ত্রিসভার সদস্যবৃন্দ গোপালগঞ্জ জেলার টুঙ্গিপাড়ায় জাতির পিতা বঙ্গবন্ধু শেখ মুজিবুর রহমানের সমাধিতে শ্রদ্ধাঞ্জলি অর্পণ করেন।

(৩১) মহামান্য রাষ্ট্রপতি গণপ্রজাতন্ত্রী বাংলাদেশের সংবিধানের ৫৬ অনুচ্ছেদের (৩) দফা অনুযায়ী দ্বাদশ জাতীয় সংসদের সংখ্যাগরিষ্ঠ সদস্যের আস্থাভাজন সংসদ সদস্য শেখ হাসিনাকে প্রধানমন্ত্রী পদে নিয়োগের সিদ্ধান্ত প্রদান করেন এবং তাঁর নেতৃত্বে নতুন সরকার গঠনের জন্য সম্মতি জ্ঞাপন করেন। এ সংক্রান্ত প্রজ্ঞাপন ১০ জানুয়ারি ২০২৪ তারিখে বাংলাদেশ গেজেটে প্রকাশিত হয়।

(৩২) গণপ্রজাতন্ত্রী বাংলাদেশের সংবিধানের ৫৬ অনুচ্ছেদের (৩) দফা অনুযায়ী মহামান্য রাষ্ট্রপতি ১১ জানুয়ারি ২০২৪ তারিখে শেখ হাসিনাকে গণপ্রজাতন্ত্রী বাংলাদেশ সরকারের প্রধানমন্ত্রী পদে নিয়োগ করেন। এ সংক্রান্ত প্রজ্ঞাপন ১০ জানুয়ারি ২০২৪ তারিখে বাংলাদেশ গেজেটে প্রকাশিত হয়।

(৩৩) দ্বাদশ জাতীয় সংসদ নির্বাচনের পর ১১ জানুয়ারি ২০২৪ তারিখে বঙ্গভবনে মন্ত্রিপরিষদ বিভাগের পরিচালনায় মাননীয় প্রধানমন্ত্রী ও নবগঠিত মন্ত্রিসভার অন্যান্য সদস্যগণের শপথ গ্রহণ অনুষ্ঠিত হয়। মন্ত্রিপরিষদ সচিবের সঞ্চালনায় মন্ত্রিসভার সদস্যগণের শপথ পাঠ করান গণপ্রজাতন্ত্রী বাংলাদেশের মহামান্য রাষ্ট্রপতি।

(৩৪) গণপ্রজাতন্ত্রী বাংলাদেশের সংবিধানের ৫৬ অনুচ্ছেদের (২) দফা অনুযায়ী মহামান্য রাষ্ট্রপতি ১১ জানুয়ারি ২০২৪ তারিখে ২৫ জন মন্ত্রী এবং ১১ জন প্রতিমন্ত্রী নিয়োগদান করেছেন। এ সংক্রান্ত প্রজ্ঞাপন ১১ জানুয়ারি ২০২৪ তারিখে বাংলাদেশ গেজেটে প্রকাশিত হয়।

(৩৫) মাননীয় প্রধানমন্ত্রী Rules of Business 1996-এর Rule 3(iv) অনুযায়ী প্রধানমন্ত্রী, মন্ত্রী ও প্রতিমন্ত্রীগণের মধ্যে বিভিন্ন মন্ত্রণালয়/বিভাগের দায়িত্ব বণ্টন করেন। এ সংক্রান্ত প্রজ্ঞাপন ১১ জানুয়ারি ২০২৪ তারিখে বাংলাদেশ গেজেটে প্রকাশিত হয়।

(৩৬) মাননীয় প্রধানমন্ত্রী রুলস অব বিজনেস, ১৯৯৬-এর রুল ৩বি (৩) অনুযায়ী ১১ জানুয়ারি ২০২৪ তারিখে উপদেষ্টাগণের নিয়োগের অবসান করেন। এ সংক্রান্ত প্রজ্ঞাপন ১১ জানুয়ারি ২০২৪ তারিখে বাংলাদেশ গেজেটে প্রকাশিত হয়।

(৩৭) সরকার মন্ত্রীর পদমর্যাদায় নিয়োগকৃত অ্যামবাস্যাডর-অ্যাট-লার্জ জনাব মোহাম্মদ জিয়াউদ্দিনের নিয়োগের অবসান করেন। এ সংক্রান্ত প্রজ্ঞাপন ১১ জানুয়ারি ২০২৪ তারিখে বাংলাদেশ গেজেটে প্রকাশিত হয়।

(৩৮) মাননীয় প্রধানমন্ত্রী রুলস অব বিজনেস, ১৯৯৬-এর রুল ৩বি (১)-এ প্রদত্ত ক্ষমতাবলে ১১ জানুয়ারি ২০২৪ তারিখে ০৬ জন ব্যক্তিকে প্রধানমন্ত্রীর উপদেষ্টা পদে নিয়োগদান করেন। এ সংক্রান্ত প্রজ্ঞাপন ১১ জানুয়ারি ২০২৪ তারিখে বাংলাদেশ গেজেটে প্রকাশিত হয়।

(৩৯) সরকার জনাব মোহাম্মদ জিয়াউদ্দিনকে মন্ত্রীর পদমর্যাদায় অ্যামবাস্যাডর-অ্যাট-লার্জ হিসাবে নিয়োগদান করেন। এ সংক্রান্ত প্রজ্ঞাপন ১১ জানুয়ারি ২০২৪ তারিখে বাংলাদেশ গেজেটে প্রকাশিত হয়।

(৪০) মাননীয় প্রধানমন্ত্রী রুলস অব বিজনেস, ১৯৯৬-এর রুল ৩(৪)-এ প্রদত্ত ক্ষমতাবলে প্রতিমন্ত্রীর দপ্তর পুনর্বর্গন করেন। এ সংক্রান্ত প্রজ্ঞাপন ১৫ জানুয়ারি ২০২৪ তারিখে বাংলাদেশ গেজেটে প্রকাশিত হয়।

(৪১) মন্ত্রিপরিষদ বিভাগ কর্তৃক ১১ জানুয়ারি ২০২৪ তারিখে জারিকৃত প্রজ্ঞাপনের পরিপ্রেক্ষিতে রুলস অব বিজনেস, ১৯৯৬-এর রুল ৩বি (১) অনুযায়ী জনাব সালমান ফজলুর রহমানের নিয়োগের শর্ত পরিবর্তন সংক্রান্ত প্রজ্ঞাপন ১৮ জানুয়ারি ২০২৪ তারিখে বাংলাদেশ গেজেটে প্রকাশিত হয়।

(৪২) দ্বাদশ জাতীয় সংসদে মন্ত্রণালয়/বিভাগসমূহের সংসদ বিষয়ক কার্যাবলি সম্পাদিত সংক্রান্ত প্রজ্ঞাপন ২৪ জানুয়ারি ২০২৪ তারিখে বাংলাদেশ গেজেটে প্রকাশিত হয়।

(৪৩) মাননীয় প্রধানমন্ত্রী রুলস অব বিজনেস, ১৯৯৬-এর রুল ৩বি (২) অনুযায়ী ০৬ জন উপদেষ্টার দায়িত্ব প্রদান করেন। এ সংক্রান্ত প্রজ্ঞাপন ২১ জানুয়ারি ২০২৪ তারিখে বাংলাদেশ গেজেটে প্রকাশিত হয়।

গ.আগামী (ফেব্রুয়ারি-মার্চ) দুই মাসে সম্পাদিতব্য অতীব গুরুত্বপূর্ণ কাজের তালিকা:

(১) মন্ত্রিসভা-বৈঠক; জাতীয় পুরস্কার সংক্রান্ত মন্ত্রিসভা কমিটি; সরকারি ক্রয় সংক্রান্ত মন্ত্রিসভা কমিটি; অর্থনৈতিক বিষয় সংক্রান্ত মন্ত্রিসভা কমিটি; প্রশাসনিক উন্নয়ন সংক্রান্ত সচিব কমিটি; নিরাপত্তা সংক্রান্ত জাতীয় কমিটি; আন্তর্জাতিক ও আঞ্চলিক সংস্থায় বাংলাদেশ কর্তৃক চাঁদা প্রদান সংক্রান্ত সচিব কমিটি; মন্ত্রিসভা কমিটি/পরিষদ/কমিশন/অন্যান্য কমিটি গঠন/পুনর্গঠন; মন্ত্রিসভা-বৈঠকে গৃহীত সিদ্ধান্তসমূহের বাস্তবায়ন-অগ্রগতি পর্যালোচনার জন্য আন্তঃমন্ত্রণালয় সভা অনুষ্ঠান।

(২) জেলা সদরে কোর ভবনাদি নির্মাণ সংক্রান্ত টাস্কফোর্স কমিটির ২০৪তম সভা।

(৩) মন্ত্রিপরিষদ সচিব মহোদয়ের সভাপতিত্বে অনুষ্ঠেয় নতুন উপজেলা ও থানা স্থাপন সংক্রান্ত সচিব কমিটি এবং প্রশাসনিক পুনর্বিন্যাস সংক্রান্ত জাতীয় বাস্তবায়ন কমিটি (নিকার)-এর ১১৯তম সভা।

(৪) মন্ত্রণালয়/বিভাগ এবং আওতাধীন দপ্তর/সংস্থার পদ সৃষ্টি, বিলুপ্তি ইত্যাদি বিষয় সম্পর্কিত নীতি ও পদ্ধতি সংক্রান্ত পরীক্ষণ কমিটির সভা।